

Fundargerð

Vatnajökulsþjóðgarður, stjórnarfundur

Stjórnunar- og verndaráætlun (sogv)

2.7.2010

Símafundur haldinn þann 2. júlí 2010 kl. 13:00-16:00

Fundarmenn: Anna Kristín Ólafsdóttir, formaður
 Böðvar Pétursson
 Björn Ármann Ólafsson
 Elín Heiða Valsdóttir
 Hjalti Þór Vignisson
 Magnús Hallgrímsson
 Ólöf Ýrr Atladóttir
 Þórður Ólafsson, framkvæmdastjóri
 Þórunn Pétursdóttir
 Árni Geirsson, Alta
 Halldóra Hreggviðsdóttir, Alta

Dagskrá:

- Farið yfir fund með umhverfisráðherra 1. 7. 2010
- Farið yfir tillögur frá formönnum svæðisráða að viðbrögðum við ath.s. og ábendingum vegna landnotkunar og aðgengis, einkum vegna vega.
- Farið yfir tillögur að svörum frá Alta, byggt á ákvörðun stjórnar og svör mótuð áfram
- Næstu skref

1. Fundur með umhverfisráðherra

Fundað var í gær með umhverfisráðherra, aðstoðarkonu hennar, ráðuneytisstjóra og Sigríði Auði skrifstofustjóra þar sem farið var yfir sogv – stefnuna almennt, ábendingar og athugasemdir sem bárust á athugasemdatíma og tillögur. Fyrir hönd stjórnar sátu fundinn Anna Kristín og Þórður ásamt ráðgjöfum frá Alta, Halldóru og Árna.

Umræður voru góðar og brugðist við áhyggjuefnum ráðherra og afstaða stjórnar útskýrð eftir föngum.

2. Tillögur frá formönnum svæðisráða

Farið var yfir verkefni sem formenn svæðisráða tóku að sér fyrir fundinn. Niðurstöðurnar birtast hér fyrir neðan í tillögum að svörum þ.e. lið 3. Á næsta fundi verður farið yfir það sem útaf stendur þ.e.:

- Böðvar mun fjalla um Norðursvæðið og tillögur þaðan.
- Elín Heiða mun fjalla um Vestursvæðið og tillögur þaðan.
- Hjalti mun fara yfir tillögur varðandi Hoffellssvæðið og vegamál.

3. Yfirferð yfir tillögur að svörum frá Alta, byggt á umræðu frá síðasta fundi þann 29. 6.

Árni fór yfir úrvinnslu á athugasemdum sem hér segir og eru niðurstöður sem hér segir:

Drög að svörum eru skrifuð með skáletri

Gular yfirstrikanir auðkenna atriði sem krefjast nánari umræðu

Vangaveltur og minnisatriði Alta eru með bláu lettri.

Akstur og vegir

Almennt um vegakerfi

Vegakerfi á vestursvæði gerir ráð fyrir verulegri fækkun aksturleiða og það er í ósamræmi við skipulagsgögn Ásahrepps. Gert sé ráð fyrir vegum sem ekki er að finna á svæðisskipulagi miðhálandis. Rök skorti fyrir fækkun leiða og bent á að fækkun leiða takmarki verulega aðgang að náttúru þjóðgarðsins fyrir fjölskyldur, börn og þá sem ekki hafa líkamsburði til langra gönguferða, sem sé í ósamræmi við 2. gr. laga um þjóðgarðinn. Aðgangur þurfi að vera að

búnaði fyrir rannsóknir og vöktun á ýmsum stöðum og farið fram á að vegir verði merktir að þeim eða gert ráð fyrir undanþágu vegna slíks aðgangs. Ferðapjónustuaðilar vilja gjarnan geta boðið hringleiðir. Vegakerfið taki mið af vaxandi umferð óreyndra ferðamanna.

DRÖG AÐ SVÖRUM

Vegir og skipulagsáætlanir

Í Stjórnunar- og verndaráætlun Vatnajökulsþjóðgarðs er tekið af skarið um það hvaða leiðir eru opnar almennri umferð vélknúinna ökutækja. Þessar leiðir eru nefndar "vegir" í áætluninni en sú notkun orðsins felur í sér nokkuð víðari merkingu en þá sem ráða má af orðskýringum vegalaga og umferðarlaga en þessum tveimur ber reyndar ekki saman. Áætlunin heimilar m.a. umferð vélknúinna ökutækja á leiðum sem hingað til hafa verið nefndar slóðir og skipulagsáætlanir hafa ekki tekið formlega afstöðu til. Þetta skýrir að mestu leyti þann mun sem er á vegakerfi þjóðgarðsins samkvæmt Stjórnunar- og verndaráætlun og skipulagsáætlunum sveitarfélaga og miðhálandis. Að öðru leyti mun þurfa að aðlaga skipulagsáætlanir að ákvæðum Stjórnunar- og verndaráætlunar.

Lokun slóða á hálandi fyrir vélknúnum ökutækjum

Skv. 12. grein laga um Vatnajökulsþjóðgarð skal í verndaráætlun m.a. gerð grein fyrir vegum, umferðarrétti almennings og aðgengi ferðamanna að svæðinu. Nokkrar leiðir hafa verið farnar á ökutækjum undanfarna áratugi en í seinni tíð hefur bæði ökutækjum og kortlögðum akstursleiðum um þjóðgarðinn fjölgað verulega. Korlagning leiðanna virðist í mörgum tilfellum sprottin af einstaklingsfrumkvæði þeirra sem um landið fara með leiðsögutæki og leiðarferlum miðlað milli manna. Þótt aðgengi almennings að þjóðgarðinum með þessum hætti sé almennt á hinu góða er svo komið að fjölgun ökuleiða rekst á markmið náttúruverndar og áherslu á verndun víðerna með þeirri upplifun sem þau bjóða. Stjórn þjóðgarðsins hlaut því að taka af skarið á grundvelli málamiðlunar sem miðast við eftirfarandi meginreglur:

- hringleiðir - ein eða tvær leiðir - leið sé á hvern áfangastað -
- verndun náttúru og víðerna
- xxx
- Eftirlit þarf að vera framkvæmanlegt

Aðgangur að rannsókna- og fjarskiptatækjum

Samkvæmt 17. gr. reglugerðar 608/2008 m.s.br. er heimilt að aka utan vegar í vissum tilfellum sem þar eru tilgreind. Þetta ákvæði er áréttað í Stjórnunar- og verndaráætlun, auk skilyrða sem sett eru um slíkan akstur. Rannsóknir eru meðal þeirra tilfella sem veitt er heimild fyrir. Stjórn Vatnajökulsþjóðgarðs telur eðlilegt að túlka þetta ákvæði reglugerðarinnar svo að innan þess rúmist t.d. akstur vísindamanna að rannsóknabúnaði og akstur vegna viðhalds og eldsneytisáfyllingar fyrir fjarskiptabúnað enda séu skilyrði uppfyllt.

ATH Færa þarf texta í S&V til samræmis við reglugerð

Almennar reglur um akstur og umferð

Vegir séu opnir öllum jafnt, bæði gestum á eigin vegum og þeim sem þjóna ferðafólki. Meðal undanþágutílvika sem réttlæti utanvegaakstur komi björgunaraðgerðir undir stjórn björgunarsveita vegna fjárskorts lögreglu.

Skera þurfi úr um hver beri ábyrgð á viðhaldi, ástandi og umferð á vegum sem enginn veghaldari er fyrir.

Stefna um almenningssamgöngur leiði til ferða þyngri bíla sem valdi margföldu álagi og skaða. Banna beri akstur sexhjóla, ef ekki í Stjórnunar- og verndaráætlun, þá í reglugerð.

Jafn réttur til umferðar um vegi

Í allmörgum athugasemdum var því andmælt að gestir hefðu misjafnan rétt til að fara um vegi í Þjóðgarðinum. Í auglýstri tillögu var skilmáli þessa eðlis varðandi einn veg, þ.e. veg um Heinabergsdal, sem er á eignarlandi. Í staðfestri útgáfu Stjórnunar- og verndaráætlunar er þessi skilmáli felldur niður og vegurinn því opin fyrir almennri umferð. Allir hafa því sama rétt til umferðar um vegi innan Þjóðgarðsins.

Veghald

Eins og áður er getið tilgreinir Stjórnunar- og verndaráætlun vegi sem opnir eru fyrir almennri umferð en hafa hingað til verið taldir til slóða og því ekki talist vegir í skilningi vegalaga. Um veghald slíkra vega gildir að **XXXX**

Nær hugtakið veghald yfir slíka vegi ef þeir eru ekki vegir skv vegalögum??

Unnið að því að koma öllum vegum á vegaskrá

Undanþága fyrir björgunaraðgerðir

Færum undanþáguklausuna til samræmis við 17. gr. reglugerðar

Almenningssamgöngur

Bent var á í athugasemdum að með stefnu um auknar almenningssamgöngur mætti búast við stærri og þyngri ökutækjum sem yllu álagi á vegi langt umfram venjuleg ökutæki. Þetta er rétt en á hitt ber að líta að Þjóðgarðsyfirvöld geta takmarkað umferð slíkra farartækja, t.d. með vísun í öxulþunga, þar sem slíkt kann að eiga við.

Umferð sexhjóla

Það er vilji stjórnar Vatnajökulsþjóðgarðs að umferð sexhjóla verði bönnuð utan vega innan marka Þjóðgarðsins. Því verður þó ekki við komið, að svo stöddu, vegna þess að í 28. grein reglugerðar um Vatnajökulsþjóðgarð er vísað til reglugerðar um takmarkanir á umferð í náttúru Íslands nr. 528/2005 (5. gr.) þar kemur fram þessi heimild til að nota sexhjól til að sækja felld hreindýr, við tilteknar aðstæður.

Hafa ber í huga að akstur utan vega t.d. vegna

Vitna í 17. gr - störf við landbúnað

Athugasemdir um staka vegi og svæði

- Öskjuleið (F88): Andstæð sjónarmið komu fram um endurnýjun vegarins og því andmælt að gæsir ráðir opnunartíma.
- Vetrarakstur í Kverkfjöllum: Athugasemd er gerð við bann við vetrarakstri í Kverkfjöllum (ath hér er um mistök að ræða í tillögunni, ákvæðið á að vera í samræmi við reglugerð).
- Flæðurnar: Þær séu ekki hættulegri að vetri en að sumri.
- Leiðir á Lambatungnajökul og Fláajökul: Óraunhæfar vegna sprungna og jökulþýfis, jökulsporður síbreytilegur og myndun lóna. Veg vantar.
- Leið innst í Hoffellsdal að jökli við Gjánúpstind: Mikil spjöll á óröskuðu svæði. Leið á Skálafellsjökul fullnægjandi.
- Leið um Vonarskarð: Andstæð sjónarmið komu fram í athugasemdum. Löng hefð fyrir akstri þar, óveruleg landspjöll af völdum aksturs, auðvelt að aðskilja gangandi og akandi. Á hinn bóginn var tiltekin truflun af völdum ökutækja, ekki síst mótorhjóla og að þegar hafi orðið skemmdir á gróðri.
- Leið inn Heinabergsdal: Mismunur er andmælt - allir eigi að hafa sama rétt til aksturs. Á hinn bóginn lögð til lokun fyrir ökutækjum.
- Leið frá Gæsavötnum, yfir vöð Hraunkvíslar, Rjúpnabrekkukvíslar og Skjálfandaflióts að Hnýflum og Valafelli. Lokun andmælt enda löng hefð fyrir leiðinni og hún visæl meðal þeirra sem gista í skála Gæsavatnafélagsins.
- Vetrarakstursbann í Öskju: Lokun verði ekki miðuð við 1. maí heldur þegar snjóá leysi.

- Vikrafellsleið. Andstæð sjónarmið komu fram. Fyrir henni sé löng hefð og akstur hafi ekki orsakað skemmdir á landi. Leiðin sé falleg en göngufólk noti hana ekki. Leiðin gæti verið flóttaleið við náttúruhamfarir. Hins vegar spilli leiðin stóru víðerni norðan Dyngjufjalla. Góð leið liggja suður fyrir Dyngjufjöll.
- Leið af F910 sunnan Vaðöldu með Svartá. Hún sé að mestu í sandi og því óþarft að loka henni. Uppi á Vaðöldu sé tækjabúnaður sem krefjist þjónustu og því líklega mistök að loka leiðinni.
- Leið af F910 inn á leiðina um Dyngjufjalladal. Ekið sé um hraunhellur, sand og vikur; leiðarstytting um 20 km.
- Leið um gömlu vöðin á Gæsavatnaleið. Leiðin hafi mennnigarsögulegt gildi.
- 18 slóðir sem nefndar eru í nokkrum athugasemdum:
 - a. "Leið 16" sunnan Gjáfjalla
 - b. Leið inn Heljargjarkverf
 - c. Leið frá Péturstorgi að Mána
 - d. Leið við Mána, Saxa og Font
 - e. Leið frá Þórisósléið norðan Gjáfjalla að borholu í Hágönguhrauni
 - f. Leið frá Gjáfjallahring norður að Heljargjá
 - g. Veiðimannavegur frá Þórisósléið niður í Botnavatn
 - h. Bárðargata inn undir Kerlingu og inn á Bárðargötu aftur
 - i. Frá borholu, norður að Hágöngulóni um Hágönguhraun og Hraungil og síðan austur að Bárðargötu
 - j. Frá Rauðhól austan Köldukvíslar um Köldukvíslarfitjar
 - k. Leið um Sáttmálsörkina
 - l. Bláfjöll, frá Dór yfir Bláfjöll að Bárðargötu
 - m. Leið frá Bárðargötu við fossinn Fleygi yfir á Dórleið
 - n. Veiðimannaleið og Landsvirkjunarleið frá Þórisósi að Útigönguhöfða
 - o. Milli hrauns og hlíða.
 - p. Leið frá Péturstorgi að Mána (auðveldari en leið 3)
 - q. Leið um Helgrindadal
 - r. Styttingur í Veiðivatnahrauni.
 - s. (ATH 6 leiðir nefndar að auki sem eru að litlu leyti innan þjóðgarðs)
- Bárðargata, milli Jökulheima og Svarthöfða. Leiðin sé afar torfær og varasöm. Fullnægjandi aðkoma að Svarthöfða sé af Sprengisandsvegi. Bárðargötu ætti að skilgreina sem gönguleið frá Gjóstu í Jökulheima með göngubrú á Sveðju. Án vegar gæti landið flokkast sem víðerni.
- Leið frá Jökulheimum um Gnapavað. Vaðið sé mjög varasamt. Hætta sé á utanvegaakstri að Sveinstindi og inn á norðanvert Lakagígasvæðið.
- Geldingafellsvegur frá Hraunaveituvegi að Geldingafelli: Hæpið að hafa veginn opninn fyrir almennri umferð enda vanti landvörslu á svæðinu. Þó mætti heimila flutning á vistum og búnaði í skála.
- Bergkvíslarkofavegur: Óljós hvers vegna vegurinn skuli opinn almennri umferð. Gangnakofinn við Ytri-Bergkvísl sé hluti af menningarminjum og ekki til ániðslu fallinn.
- Leið að Svartá og Skínanda sem eru vinsælir áfangastaðir. Svartárbotnar þoli illa umferð og vegarstæði við hraunröndina við Skínanda sé heppilegra.
- Leið með Svartá. Óæskilegt að hefta aðgengi að Suðurá og Suðarábotnum.
- Banni við akstri að skálum á Grímsfjalli og Esjufjöllum er andmælt.
- Leiðin inn við Blæng verði opin fyrir umferð en merkt sem torleið; þannig opnast áhugaverð hringleið.
- Vegur inn að Snæfelli um Maríutungur verði bættur og þannig veitt aðgengi að jöklinum.
- Vegur frá Botna að Stóruflesju verði lagfærður.
- Afréttarvegur að Dyngjufjalladal: Skýra þurfi umferðartakmarkanir á .
- Akstursbannsvæði á snjó við Öskju nái ekki yfir bílastæði við Vikraborgir.
- Vegur frá Kelduárlóni að Geldingafelli beri að skilgreina sem þjónustuveg fyrir skála enda hafi svæðið verið ætlað göngufólki.
- Akstursbelti verði tilgreind á jökli og þar skilgreint víðerni.

- Tvær leiðir af Sprengisandsvegi vestur á sandinn í átt að Nýjadal. Athuga þarf hvort báðar leiðirnar eru nauðsynlegar.
- Leið milli Nýjadals og Svarthöfða. Núverandi leið illfær og ástæða til að stytta leiðina.
- Óljóst sé hvernig leiðir upp á jökul séu valdar og hvort óheimilt sé að fara upp á jökul annars staðar að sumarlagi.

Hjalti skoðar nánar hvort framlenging vegar inn fyrir Þjóðgarðsmörk í Hoffellsdal verði hugsanlega felld niður.

Umferð hesta og reiðleiðir

Ábendingar um reiðleiðir sem vantar

Landssamband hestamannafélaga, Fljótsdalshreppur og fleiri telja að áætlunin skerði verulega möguleika á hestaferðum um Þjóðgarðinn. Óskað er eftir þessum leiðum:

- Fljótsdalur-Fjallaskarð-Hrafnkeldsalur- um Dragamót að Sauðárkofa- Snæfellsskáli- um Þjófadall umhverfis Snæfell-Eyjabakkar - Laugarfell- Fljótsdalur. **Fá leið frá Agnesi**
- Inn með Jökulsá í Fljótsdal í Geldingafell.
- Frá Gjallanda, um Vonarskarð, í Jökulheima. **ATH Hér þarf etv sérstakan rökstuðning?**
- Frá Svarthöfða, vestur fyrir Hágöngulón.
- Úr Nýjadal í Vonarskarð.
- Gæsavatnaleið sem reiðleið.
- Frá Flæðum í Dyngjufjalladal, þaðan í Suðurárbotna og áfram að reiðleiðum í Svartárvatni.
- Meðfram Háslóni, til norðurs, að Kárahnjúkum
- Úr Sauðárkofa norðan Snæfells og að Laugafelli

Að auki þurfi að skilgreina áningastaði með 8-10 km millibili.

Því er ennfremur andmælt að leyfi Þjóðgarðsvarðar þurfi til ef um stærri hópa en 20 hesta er að ræða, nær væri að miða við 40-50.

Ekki sé skýrt hvort einungis er heimilt að fylgja uppgefnum reiðleiðum eða hvort fara megi aðrar leiðir. Almennt þurfi að skýra reiðleiðir betur.

Heimila beri hestaumferð á leiðum sem ætlaðar eru til aksturs. [ATH umferðarlög](#)

[ATH. rætt á næsta stjórnarfundi](#)

Úrval reiðleiða

Ábendingar bárust um reiðleiðir sem æskilegt væri að kæmu til viðbótar þeim sem tiltekna voru í auglýstri tillögu að Stjórnunar- verndaráætlun. Stjórn Þjóðgarðsins miðaði umfang reiðleiða í tillögunni við það að...XXXXX Að mestu var miðað var við svæðisskipulag miðhálandis Fallist er á að með hliðsjón af XXXXX verði eftirtöldum leiðum bætt við:

Athuga ber að umferð hesta er heimil á vegum og þar með opnast leiðirnar í listanum xxxxxxxx yyyyyy

Hestaumferð á vegum og utan reiðleiða

Umferð á hestum **er leyfð á þeim vegum sem skilgreindir eru í kafla 9.3** enda sé ekki um aðra reiðleið að ræða, fylgt sé greinilegu yfirborði vegar, stikum eða slóð vélknúinna ökutækja þar sem því verður við komið. Mikilvægt er að hafa í huga að gæta þarf ítrustu varúðar á fjölfarnari vegum, einkum þar sem vegur er greiðfær og búast má við hraðri umferð ökutækja.

Í 14. grein reglugerðar nr. 608/2008 segir svo um umferð á hestum:

Umferð hesta um Þjóðgarðinn er heimil á skilgreindum eða merktum reiðleiðum. Umferð annars staðar telst því óheimil.

Umferð hesta er því óheimil utan **(skilgreindra og merktra reiðleiða, að meðtöldum vegum)**, sbr. svar um umferð hesta á vegum hér fyrir ofan.

Hópfærðir á hestum

Stjórn Vatnajökulsþjóðgarðs er bundin af 4. grein reglugerðar 608/2008, þar sem segir m.a.:

Hópfærð á hestum er færð þar sem fleiri en 20 hestar eru í för.

Veiðar

Rök skorti fyrir takmörkunum á veiðum og að ýmis þau rök sem færð eru fram standist ekki, t.d. varðandi álag á viðkvæman gróður, varp og fjaðrafelli. Veiðum sé þegar stýrt á landsvísu og ekki þurfi sérstakar ráðstafanir innan þjóðgarðsins. Veiðitakmarkanir muni draga úr eftirspurn eftir þjónustu á nærsvæðum þjóðgarðsins. Takmarkanir flytji veiðiálag á önnur svæði og tímabil. Stofnar séu sterkir og sjálfsagt að nýta landsins gæði. Veiðar séu mikil upplifun og veiðibráð hollur matur. Veiðimenn hafi sérstakar siðareglur. Göngumaður valdi sama álagi á gróður þótt hann beri skotvopn. Útivistarhópum sé því mismunað þegar veiðibann er réttlætt með álagi á gróður.

Gæs sé að mestu farin 1. september en milli 20. ágúst og 1. sept. séu fáir á ferli aðrir en veiðimenn. Hreindýraveiði sé lítil við Snæfell, gæsaveiði fari fram kvölds og morgna og rjúpnaveiði á frosinni jörð. Loforð hafi verið gefið við stofnun þjóðgarðsins um að hefðbundin landnýting yrði ekki skert. Minnkandi aðgangur að veiðum á eignarlöndum undirstriki mikilvægi almennaréttar.

Eðlilegast sé að veiði við Snæfell og á Vesturöræfum fylgi veiðitíma á kúm, þ.e. frá 1. ágúst, ef tímabundið bann á að vera á svæðinu.

Á hinn bóginn kom fram stuðningur við veiðibann og vakin athygli á því að leiðir inn á umrætt svæði hafi opnast nýlega og því ekki um langa hefð þar að ræða.

Því er andmælt að skila skuli skrá yfir veidda refi og minka til þjóðgarðsvarðar. Sveitarfélög skili slíkum skráum til Umhverfisstofnunar og þjóðgarðsvörður geti aflað þeirra þar. Um refaveiðar komu fram sjónarmið um að ekki þurfi aðrar reglur í þjóðgarðinum en annars staðar og hins vegar spurt hvort nokkur ástæða sé til að leyfa refaveiðar á auðnum vestur- og norðursvæðis. Bent er á að refur valdi usla í varpi votlendisfugla ekki síður en minkur og spurt hvort ekki sé markmið að eyða mink við Ástjörn fremur en að halda honum niðri.

Óheimilar hreindýra- og fuglaveiðar kringum Snæfell og á Eyjabökkum

Í tillögunni er afmarkað svæði þar sem óheimilt er að veiða hreindýr og fugla. Markmiðið er að þar verði friðland á viðkvæmu svæði sem jafnframt er kjörið til náttúruskoðunar og útivistar. Í hlíðum Snæfells og hnjúkanna þar í kring er viðkvæmur gróður og til þess að almenningur geti notið útivistar án þess að valda tjóni á gróðrinum verður að stýra gangandi umferð inn á leiðir sem samræmast vel gróðurfari. Ekki er líklegt að veiðimenn eltist við bráð sína eftir slíkum leiðum. Kveðið er á um slíka stýringu gangandi umferðar í skilmálum fyrir svæðið, sjá kafla 9.1. Stjórn þjóðgarðsins vonast til þess að útivistarfólk og skólahópar nýti sér þessa útivistarperlu í vaxandi mæli og þá verður skotveiði, með tilheyrandi hættu og hávaða, að víkja.

Hreindýraveiðar hefjist 15. ágúst á Snæfellsöræfum

Áratugahefð er fyrir því að hreindýraveiðar hefjist ekki á þessu svæði fyrr en 15. ágúst til að tryggja hreinkúm með kálfa tímabundið griðland. Sífelld fleiri ferðamenn leggja leið sína inn á hálendið seinni hluta júlímánaðar og fram í ágúst enda eru Snæfellsöræfi kjörin til gönguferðamennsku og náttúruskoðunar, þ.m.t. hreindýraskoðunar. Að stunda hreindýraveiðar á sama svæði getur skapað hættu auk þess sem friðsæld svæðisins yrði raskað með skothvillum og vélknúinni umferð veiðimanna.

Gæsaveiðar hefjist 1. september

Rannsóknir sýna (tilvitnun) að heiðagæsin á þessu svæði verpir seint vegna snjóa og ungarnir eru því seinna fleygir en út á Fljótsdals- og Fellaheiði. Þetta hefur meðal annars breyst á Vesturöræfum með tilkomu Háslóns þar sem gæsirnar hafa ekki lengur varpsvæði nema ofan við vatnsborðslínu. Dvalartími gæsa á svæðinu er mjög háður veðurfari og engan veginn er

hægt að slá því föstu að gæst sé farin af svæðinu 1. september.

Verndarflokkar og verndun einstakra svæða

Verndarflokkun skv. kerfi IUCN

Svæði sem tilgreind eru í verndarflokki VI séu talin óhæf til beitar og náttúrur gefi fremur tilefni til flokks II, Ia, Ib eða III, eftir stöðum. Tilgreiningin stangist á við markmið flokks VI eins og þau eru sett fram hjá IUCN. Öll svæðisráð hafi mælt með því að þjóðgarðurinn allur falli í flokk II. Rökstyðja þurfi flokkunina betur í áætluninni.

Ekki sé ljóst samkvæmt texta hvort að svæðunum verði eingöngu stýrt samkvæmt mismunandi verndarflokkum IUCN, þ.e. verndarflokkar IUCN hafðir til viðmiðunar við stýringu, eða sett í viðkomandi verndarflokk.

Ekki er ljóst samkvæmt texta hvað 75% reglan gildir um.

Ekki er alltaf ljóst í stjórnunar- og verndaráætlun hvernig hefðbundinni landnotkun skuli stýrt innan þeirra svæða sem sett eru verndarflokk VI.

Hugsanlega mætti friða gróðurvinjar fyrir búfjárbreit.

VI: Fyrirheit um það sem koma skal - halda inni t.d. Heinabergi og Hoffelli

Láta koma fram hvernig skilmálar móta verndun á stöku stað umfram almenn markmið IUCN flokka

Um verndarflokkun skv. flokkunarkerfi IUCN

Halldóra kemur með tillögu skv. ákvörðun stjórnar þ.e. þjóðgarðurinn almennt undir II, undantekning Esjufjöll Ia, Heinaberg og Hoffell VI, og mögulega Ramsarsvæðið IV. Ræða þarf við umhverfisráðuneytið um Ramsarsvæðið og flokkun þess.

Esjufjöll

Ferðapjónstufyrirtæki nýti sér gistimöguleika í Esjufjöllum og þurfi að geta gert það áfram. Vísað er til heimildar Jöklarannsóknafélagsins til leigu á gistirými í skála félagsins í Esjufjöllum og vakin er athygli á því að NÍ noti Esjufjöll til rannsókna á þróun lífríkis í jökulskeri.

Ljóst er að skv. 16. gr. reglugerðar nr. 608/2008 með breytingu skv. reglugerð 755/2009 að akstur er óheimill í Esjufjöllum og jökulhettunni umhverfis sbr. hnit ferhyrnds svæðis sem gefin eru upp.

Askja

Spurt er í hvaða tilfellum veita megj undanþágu til að tjalda í Öskju.

Frá Hjörleifi:

Undanþágur gætu verið gefnar vegna rannsókna, leiðangra og annara sérstakra aðstæðna. Með ögfugum formerkjum má segja að ég myndi íhuga allar undanþágur og veita ef þær uppfylla 2 skilyrði:

1. Ef tjöldun hefur engin áhrif á ásynd og náttúrufar svæðisins
2. Ef tjöldun hefur engin áhrif á Ferðahegðun þeirra ferðamanna sem annars heimsækja öskju.

T.d. myndi ég alltaf veita leyfi til vetrartjöldunar. Sumartjöldun yrði skilyrt með nákvæmri staðsetningu.

Árni talar við Hjörleif til að fá nánari útskýringar - kemur til greina að banna alveg?

Eyjabakkar

Geta beri um Ramsar tilnefningu Eyjabakka og afleiðingar hennar. Óljóst sé hvaða ákvæði sé vísað í vegna veiðitakmarkana í skilmálum fyrir Eyjabakka.

Bent var á að ekki væri minnst á Ramsar tilnefningu Eyjabakka þar sem fjallað er um svæðið í kafla 9.1. Upplýsingum þar að lútandi verður bætt við skilgreiningu svæðisins í Stjórnunar- og verndaráætlun.

Ýmsar athugasemdir

Tjöldun

Andmælt er mismunun sem kemur fram í því að akandi gestir mega ekki tjalda til einnar nætur utan skipulagðra tjaldsvæða. Það skerði verulega möguleika akandi gesta til að upplifa náttúruna og ferðast með fjölskyldur. Ennfremur sé gisting á þjónustusvæðum aðeins í boði eins ferðaðþjónustuaðila sem ráði verðlagningu að vild. Ákvæðið útiloki trússferðir sem njóti vaxandi vinsælda.

Allmargir gerðu athugasemd við það að aðeins göngufólki væri heimilt að tjalda til einnar nætur utan skipulagðra tjaldsvæða. Þannig væri gestum þjóðgarðsins mismunað eftir ferðamáta og gert að kaupa þjónustu þess ferðaðþjónustuaðila sem starfar á hverjum slíkum stað. Ákvæðið útiloki líka trússferðir innan þjóðgarðsins.

Um þetta gildir 10. grein reglugerðar nr. 608/2008 og takmörkunin hefur því verið í gildi í tvö ár. Stjórn þjóðgarðsins getur ekki farið framhjá þessu ákvæði í Stjórnunar- og verndaráætlun en mun fara fram á það við umhverfisráðuneytið að ákvæðið verði rýmkað. Á hinn bóginn telur stjórn þjóðgarðsins að heimild reglugerðarákvæðisins nái þó einnig til þeirra sem ferðast á reiðhjólum enda fara þeir fyrir eigin affli og fara svo hægt yfir að ekki sé hægt að gera ráð fyrir því að þeir nái milli skipulagðra tjaldsvæða á einum degi.

Þjóðgarðsmörk

Þjóðgarðsmörk fylgi farvegi Köldukvíslar milli Hágöngulóns og Sauðafellslóns og bent á að Landsvirkjun líti svo á að mörkin hafi ekki áhrif á framtíðarvirkjunarkost við Skrokköldu eða stýringu á rennsli Köldukvíslar.

Fram kom ábending um það að þjóðgarðsmörk væru miðuð við farveg Köldukvíslar en hann kynni að taka breytingum. Þjóðgarðurinn mun vinna að því í samstarfi við umhverfisráðuneytið að horfið verði frá skilgreiningu þjóðgarðsmarka með vísun í vegi, árfarvegi og þess hátt en verði þess í stað eingöngu skilgreind með tölusettum hnitum.

Rannsóknaleyfi

Vísað er til ákvæðis í 10. kafla um að rannsóknir innan þjóðgarðsins séu háðar leyfi þjóðgarðsvarðar og bent á að iðnaðarráðherra sé heimilt að hafa frumkvæði að og/eða láta rannsaka auðlindir í jörðu. Þetta vald hafi Orkustofnun verið falið.

ATH Björg þarf að lesa yfir þessi drög að svari:

Vísað er til ákvæðis í 10. kafla um að rannsóknir innan þjóðgarðsins séu háðar leyfi þjóðgarðsvarðar og bent á að skv. 4. gr. laga nr. 57/1998 sé iðnaðarráðherra heimilt að hafa frumkvæði að og/eða láta rannsaka og leita að auðlindum í jörðu. Þetta vald hafi Orkustofnun verið falið. Stjórn Vatnajökulsþjóðgarðs vill hins vegar benda á að greina þurfi lagaskil varðandi það hvaða aðrar nauðsynlegar forsendur þurfi að vera fyrir hendi þegar rannsóknaleyfi af þessu tagi er veitt, t.d. m.t.t. ákvæða náttúruverndarlaga þegar friðlýst svæði eiga í hlut eða svæði sem um gilda sérlög, svo sem Vatnajökulsþjóðgarð. Stjórn þjóðgarðsins væntir góðs samstarfs

við aðra opinbera aðila sem um þessi mál fjalla.

Þetta ákvæði er vissulega fyrir hendi og er fortakslaust hvað varðar eignarrétt, gildir því bæði á almenningum (þjóðlendum) og einkaeignarlandi. Skoða þarf þó samhengi við önnur lög eins og náttúruverndarlög og lög um VJÞ. Varla er ætlunin að túlka þetta þannig að ráðherra hafi heimild til að láta rannsaka og leita að auðlindum „hvar sem er“ – þ.e.a.s. myndu menn ekki t.d. undanskilja friðlýst svæði, eða má heimila auðlindaleit í Öskju eða bora e. heitu vatni við Geysi? Náttúruverndarlög og lög um VJÞ hljóta að fela í sér takmarkanir, þó e.t.v. felist ekki í því fortakslaust bann. Allt sem viðvíkur framkvæmdum, er þar að auki háð leyfum þar um, skipulagi o.fl.

Fjalla ekki um lagaskil - almenning og eignarlönd - getur ekki gilt án fyrirvara - getur ekki náð til friðlýstra svæða

Vöktun og rannsóknir

Bent er á að ekki sé minnst á grunn- og vöktunarannsóknir á vatnafari í 10. kafla en þær hljóti að vera mikilvægar vegna undirstöðuhlutverks vatns í náttúrunni og breytinga á vatnafari sem vænta megi vegna veðurfarsbreytinga.

Bent er á að í 10 kafla sé ekki tekið á vöktun og rannsóknnum á eldstöðvum og virkni þeirra þótt þess sé getið í 3. kafla að innan þjóðgarðsins séu nokkrar af virkustu eldstöðvum landsins.

Fram komu ábendingar um að vöktunar og rannsókna á vatnafari og eldvirkni væri ekki getið í 10. kafla tillögunnar. Þessum atriðum verður bætt við Stjórnunar- og verndaráætlun.

Orkumannvirki

Kröflulína 2 sker þjóðgarðinn og Kröflulína 3 mun liggja samsíða henni.

Jarðgufuvirkjun í Sveðjuhrauni

Háspennulína frá jarðgufuvirkjun í Sveðjuhrauni að Sprengisandslínu

Háspennulína frá Skjálfandafljóti

Bent var á að ekki væri getið um ýmis orkumannvirki í tillögunni.

Kröflulína 2 er ekki innan þjóðgarðsmarka og Kröflulína 3 mun liggja samsíða Kröflulínu 2.

*Á svæði austan Hágöngulóns er gert ráð fyrir jarðgufuvirkjun. Á svæðisskipulagi miðhálandis er svæðið tilgreint sem "fyrirhugað orkuvinnslusvæði" en á aðalskipulagi Ásahrepps er skipulagi frestað á sama svæði. Mjög lítt hluti þessa svæðis er innan þjóðgarðsmarka. **Færa þjóðgarðsmörk***

Gert er ráð fyrir háspennulínu frá orkuvinnslusvæðinu austan Hágöngulóns, norður með austurbakka lónsins og síðan í vestur í átt að fyrirhugaðri Sprengisandslínu. Þetta línustæði er utan þjóðgarðsmarka.

Einnig er í skipulagsáætlunum gert ráð fyrir háspennulínu frá virkjun í Skjálfandafljóti, til austurs um Ódáðahraun, nyrst í þjóðgarðinum. Stjórn Vatnajökulsþjóðgarðs kys að gera ekki ráð fyrir þessari háspennulínu í Stjórnunar- og verndaráætlun. Vakni áhugi á að nýta þennan virkjunarkost verði fjallað sérstaklega um línustæðið í stjórn þjóðgarðsins og þá Stjórnunar- og verndaráætlun breytt ef þurfa þykir.

Samráð

Samvinnunefnd um miðhálandi Íslands

Ýmis útivistarfélag

Vísað er í Árórsáttmálann og ófullnægjandi samráði við ýmsa hagsmunahópa andmælt. Spurt um samráð við erlenda sérfræðinga.

Náttúrufr.stofnun - ath.

Í allmörgum athugasemdum kemur fram að samráð við ýmis útivistarfélag við mótun áætlunarinnar hafi verið ófullnægjandi, oft með vísun í Árósasamninginn. Þeim samningi er ætlað að tryggja aðkomu almennings að ákvarðanatöku stjórnvalda í umhverfismálum. Þótt innleiðingu samningsins sé ekki lokið með lagasetningu er í lögum um Vatnajökulsþjóðgarð gert ráð fyrir aðkomu fulltrúa útivistarfélaga. Kveðið er á um að í svæðisráðum sitji sex fulltrúar, þar af einn fulltrúi tilnefndur sameiginlega af ferðamálasamtökum á viðkomandi svæði, einn fulltrúi tilnefndur af útivistarsamtökum og einn fulltrúi tilnefndur af umhverfisverndarsamtökum. Í stjórn þjóðgarðsins á einn fulltrúi tilnefndur af útivistarsamtökum áheyrnaraðild. Ljóst er að með þessu fyrirkomulagi hafa útivistarsamtök góða aðstöðu til að fylgjast með mótun áætlana og hafa áhrif á innihald þeirra. Það hlýtur að vera í verkahring og á ábyrgð fulltrúa þessara samtaka að miðla upplýsingum til umbjóðenda sinna og afla upplýsinga um afstöðu þeirra, eftir atvikum og að sama skapi geta samtökin nýtt sér fulltrúa sína til að koma sjónarmiðum sínum á framfæri, að eigin frumkvæði. Að öðru leyti er vísað til þess sem fram kemur í 1. kafla tillögunnar um samráð við mótun hennar. Einnig er að finna í gögnum svæðisráða ítarlegar upplýsingar um þá fjölmörgu fundi sem haldnir hafa verið. Nefna má eftirfarandi, sem dæmi:

- Svæðisráð austursvæðis byggði tillögur um opnar leiðir fyrir ökutæki m.a. á samráði við hagsmunaaðila sem efnt var til í tengslum við gerð aðalskipulags Fljótsdalshéraðs.
- Á austursvæði voru haldnir XXX opnir fundir með almennum umræðum.
- Sérstakur fundur svæðisráðs austursvæðis með skotveiðifélögum og félagi leiðsögumanna með hreindýraveiðum.
- Á norðursvæði voru haldnir fjórir opnir fundir um ýmis mál varðandi mótun áætlunarinnar. Á tveimur þeirra störfuðu vinnuhópar.
- Á vestursvæði voru haldnir fjórir opnir fundir til að kynna hugmyndir og samantekt var send til ýmissa aðila, m.a. SAMÚT.
-XXXX
- VINSAMLEGAST BÆTIÐ VIÐ HELSTU ATRIÐUM SEM MÁLI SKIPTA
- SPURNING HVAÐ FARIÐ ER ÚT Í MIKLA UPPTALNINGU, ÞAÐ BÝÐUR UPP Á SAMANBURÐ MILLI SVÆÐA. BETRA AÐ HAFA LÝSINGUNA FREMUR ALMENNA.
- Auglýsingaferlið núna er líka samráð
- Fundur framkvæmdastjóra og fulltrúa útivistarsamtaka í stjórn með Ferðaklúbbnum 4x4 í apríl 2010.

Samráð við Samvinnunefnd um miðhálendi Íslands

Samvinnunefnd segir í umsögn sinni að ekkert samráð hafi verið haft við nefndina við mótun áætlunarinnar en hún hafi skipulagsvald á svæðisskipulagsstigi. Í umsögn nefndarinnar er vísað í tvær kynningar sem nefndin hafi fengið, í fyrri skiptið um lög og reglugerð og hið síðara um verndaráætlunina. Ekki hafi verið formlega leitað eftir álit eða óskað eftir ábendingum og hugmyndum nefndarinnar.

Svar:

Það er matsatriði hvenær samráð er nægilegt og varla hægt að halda því fram að samráðið hafi ekkert verið þegar nefndar eru í sömu andrá tvær kynningar sem Samvinnunefndin fékk. Hafa ber í huga að Samvinnunefnd hefur starfað um árabíl og skilað af sér ítarlegum gögnum um skipulag miðhálendisins, sem að sjálfsögðu voru höfð til hliðsjónar við mótun tillagna. Ætla má að þar komi fram helstu sjónarmið nefndarinnar.

Auglýsingaferlið núna er líka samráð

Náttúrufræðistofnun

(Á eftir að móta svar) - ath hjá Stellu

Gjaldtaka

Trausti las vel yfir

Þjónustusvæði

Þrjú þjónustusvæði er tilgreind sem ekki er að finna á svæðisskipulagi miðhálandis: Við Gjóstuklif, við Gjallanda og á Goðahrygg.
 Vafasamt sé að hafa vetraríþróttasvæði við Goðahrygg vegna veðurfars.
 Erfitt yrði að komast í skála á Gjánúpstindi mikinn hluta ársins.
 Halda beri fjölda skála á Eyjabökkum í lágmarki vegna upplifunar sem þar er.

Vetraríþróttasvæði á Goðahrygg verður fellt út úr áætluninni XXX

Skógrækt og uppgræðsla

Gerðar eru athugasemdir við eftirtalin atriði:

- Eindregna afstöðu um að lúpínu og framandi ágengum tegundum skuli eytt. Það geti verið kostnaðarsamt og tilgangslítið; nær væri að meta ógn af slíkum hverju sinni og miða aðgerðir við útkomu slíks mats.
- Geta beri um eignarhald Skógræktar ríkisins á Ásbyrgi og framkvæmdir þar séu háðar samþykki hennar. Samstarf Skógræktarinnar og Þjóðgarðsins hafi verið gott.
- Að barrtré séu sögð skyggja á útsýni í Ásbyrgi, það eigi við um fleiri tegundir.
- Hafnað er tvískiptingu trjágróðurs í texta um markmið og skilmála varðandi Ásbyrgi, í birkiskóg annars vegar og erlendar trjátegundir hins vegar. Reyniviður og erlendar tegundir séu hluti af líffræðilegri fjölbreytni skógarins. Lögð er til breyting á texta.
- Gert verði ráð fyrir gróðursetningu birkis á landgræðslusvæði í Grjóthálsi og Hestatorfum.
- Ösp í Lambhaganum í Skaftafelli hafi verndargildi hún verði ekki fjarlægð.
- Lagt er til að stuðlað verði að aukinni útbreiðslu birkiskóga.
- Óþarft sé að koma í veg fyrir útbreiðslu erlendra trjátegunda í birkiskógum.
- Rangt sé að gera ráð fyrir því að takmörkuð beit geti átt þátt í að eyða lúpínu í Morsárdal. Beit hefði meiri áhrif á birki en lúpínu.
- Lagt er til að hætt verði við allar tilraunir til að breyta aurunum í Morsárdal í ónáttúrulegt graslendi með beit. Þess í stað verði lúpínan skyggð út með birkiskógi á kerfisbundinn hátt með blöndu af slætti og gróðursetningu birkis þar sem það hefur ekki þegar sáð sér. Ef kindur taki að leita inn í Morsárdal sé ekkert annað í stöðunni en að girða á mörkum Þjóðgarðsins.

Þórunn mótar tillögu að svari og mögulega tillögu að breytingu á texta í sogv um ofangreint.

Tengsl við skipulag

- Vísað er í ákvæði um skipulag og leyfisveitingar í kafla 2.4 og spurt hvort umsögn stjórnar Vatnajökulsþjóðgarðs sé ekki nægileg sem samþykki fyrir skipulagsbreytingum, þurfi að samþykkja skipulagsbreytingar sérstaklega líka?
- Vísað er til ákvæðis um útgáfu framkvæmdaleyfis í amræmi við bráðabrigðaákvæði skipulags- og byggingarlaga og áréttað með vísun í bréf Skipulagsstofnunar að það eigi aðeins við um stakar framkvæmdir þegar deiliskipulag vanti en svæðis- eða aðalskipulag liggi fyrir.
- Vísað er til orðalags um bestu tækni við gerð deiliskipulags og hönnunar mannvirkja og spurt hver sé dómbær á besta tækni.
- Ekki sé ástæða til að telja upp hvað eigi að koma fram í deiliskipulagsáætlunum enda sé það tilgreint í skipulags- og byggingarlögum.

Bá - skoðar

Stjórnun og starfsfólk þjóðgarðsins

Forsendur valds þjóðgarðsvarða til lokunar og annarra ráðstafana sé óljóst sem og hvernig með það skuli farið svo tryggt sé að geðþótti ráði ekki för. Breytingar á áætlun komi illa við ferðapjónustuaðila sem selji ferðir með löngum fyrirvara. Gæta þurfi jafnræðis og veita

upplýsingar um óvæntar ráðstafanir. Spurt er gestum sé skylt að fara að fyrirmælum undirmanna þjóðgarðsvarðar, svo sem landvarða? Því er andmælt að starfsmenn þjóðgarðsins sinni störfum fyrir ferðapjónustuaðila svo sem við skálavörslu, gönguleiðsögn og aðra sölustarfsemi.

Bent er á að kafli 3.4 Stjórnsýsla um svæðiráð sé ekki í samræmi við 8. gr laga um Vatnajökulsþjóðgarð lið 3. Einnig er bent á að það sem kemur fram í 5. gr laganna um heimild stjórnar þjóðgarðsins til að ráða sér framkvæmdastjóra eða gera samning við aðra opinbera stofnun eða fyrirtæki um að annast daglegan rekstur og umsýslustjórnar vantar í Stjórnunar- og verndaráætlunina.

Á hinn bóginn kom fram brýning um að þjónustuhlutverk starfsmanna verði undirstrikað.

[Bá - skoðar
stjórnsýslulög](#)

Skálar í einkaeign

Breyttum forsendum skálans í Gæsavötnum er andmælt.

Enga þvingun er að finna í S&V

Spurt er hvers vegna skáli við Sylgjufell sé ekki fjarlægður ef hann er ekki í samræmi við lög og reglur.

ekki fjarl - samstarf við eig

Hellar

Er ætlunin að banna ferðir í alla hella innan þjóðgarðsins án fylgdar?

Tillögunni verður breytt þannig að umferð sé leyfð um hella nema þá sem þarfnast sérstakrar verndar, t.d. hraunhella með viðkvæmum dropsteinum eða dropstráum. Um slíka hella megi þó heimila umferð með leiðsögn í samræmi við reglur sem síðar verða gefnar út.

Víðerni

Ný skilgreining víðerna sé útpýnt og þau látin sýnast stærri án þess að vera það í raun og veru.

Umræðu vanti um endurheimt víðerna. [svar til nfst.](#)

Betur megi fjalla um akstur á snævi þakinni jörð, m.a. í tengslum við víðerni. Er t.d. jökullinn víðerni ef þar má aka?

Alta svarar með vísun í sogv og áréttar.

Aðgengi hreyfihamlaðra

Umfjöllun um aðgengi hreyfihamlaðra sé mjög takmörkuð.

Á fundi með ráðherra og aðstoðarmanni ráðherra 1. júlí var bent á að fjalla þyrfti betur um aðgengismál fatlaðra og stungið upp á því að samráð yrði haft við Öryrkjabandalagið. Alta hefur samband við Hafdísí og Guðmund formann stjórnar Öryrkjabandalagsins eftir helgi.

Hjólreiðar

Samtökin telja hjólreiðar umhverfisvænsta ferðamáta sem völ er á enda krefjist þær minni orku og valdi að jafnaði minna álagi á stígum en umferð fótgangandi. Sjaldnast sé því hægt að réttlæta takmörkun á hjólandi umferð þar sem þar sem gangandi umferð er leyfð. Samtökunum sé ókunnugt um að sýnt hafi verið fram á að gögnustígum stafi hætta af hjólandi umferð og því eigi ekki að amast við henni. Reiðhjól tæti ekki upp jarðveg líkt og vélhjól eða bílar.

Ástæðulaust sé að óttast umerð reiðhjóla þar sem land sé laust undir því þar skorti hjólreiðamanninn orku, aðeins sé hægt að hjóla þar sem fast sé undir. Banna megi umferð reiðhjóla eða krefjast þess að reiðhjól séu leidd í brekkum þar sem hraði getur leitt til rofs eða

slysaheattu. Almenna reglan ætti því að vera sú að umferð reiðhjóla sé heimiluð á sömu leiðum og umferð gangandi. Bregðast megi við ef vandmál koma upp. Athugasemdir eru gerðar við eftirtalin atriði:

- Að hjólreiðum sé beint frá gróðri á Eyjabökkum þar sem gangandi umferð er heimil.
- Að hjólreiðar séu bannaðar utan afréttarvegur í Morsárdal.
- Að leiðir aðrar en tilteknir vegir séu sagðar lokaðar almennri umferð; nær væri að tala um almenna vélknúna umferð.
- Að í kafla um gönguleiðir sé tiltekið að gestum sé heimilt að fara hjólandi um þjóðgarðinn.
- Að tilgreint sé að umferð reiðhjóla sé heimil á göngustígum.
- Að heimild til að tjalda göngutjaldi til einnar nætur sé bundin við alla óvélknúna umferð.
- Að þjóðgarðsverðir loki leiðum skv. undantekningaheimild, t.d. í Skaftafelli og Jökulsárgljúfrum, án rökstuðnings.

Fornleifavernd

Bent var á staði þar sem ástæða er til að nefna samráð við Fornleifavernd - engar efnislegar athugasemdir.

[hh skoðar](#)

Stjórn Vatnajökulsþjóðgarðs þakkar gagnlegar ábendingar og mun leitast við að fara eftir þeim í staðfestri útgáfu Stjórnunar- og verndaráætlunar.

Vegagerðin

[bá skoðar](#) - ath. gr. gerð 2. maí - tekur þegar hún er komin úr frí

4. Næstu skrefin

Næsti fundur stjórnar verður miðvikudaginn 7. júlí frá 13 til 15. Haldinn verður símafundur.

Halldóra og Árni fundarritarar.

Sent: Fundarmönnum og Björgu Ágústsdóttur hjá Alta.

